

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i člana 33. stav 2. Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 27/02, 61/01, 33/02, 28/04, 44/04, 42/06 i 4/09), Vlada Zeničko-dobojskog kantona, na 116. sjednici, održanoj dana 02.11.2017. godine, d o n o s i

ZAKLJUČAK

I.

Zadužuje se Ministarstvo finansija Zeničko-dobojskog kantona da u skladu sa odredbama člana 33. stav 2. Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 27/02, 61/01, 33/02, 28/04, 44/04, 42/06 i 4/09), započne aktivnosti kod Razvojne banke Federacije Bosne i Hercegovine za zaključivanje Ugovora o namjenskom depozitu i Ugovora o komisionim poslovima, radi prebacivanja na poseban fond Razvojne banke Federacije Bosne i Hercegovine sredstava koja su se kontinuirano prikupljala na računu Zeničko-dobojskog kantona, poslije 27.01.2009. godine, odnosno datuma stupanja na snagu Zakona o izmjenama i dopunama Zakona o privatizaciji preduzeća („Službene novine Federacije BiH“, broj: 4/09), po osnovu povrata kredita za privredni razvoj i zapošljavanje i stambenih kredita, dodjeljivanih iz ESCROW sredstava ostvarenih od privatizacije prije donošenja navedenih izmjena i dopuna Zakona o privatizaciji.

II.

Zadužuje se Ministarstvo finansija Zeničko-dobojskog kantona da Vladi Zeničko-dobojskog kantona prije potpisivanja dostavi radi davanja prethodne saglasnosti prijedloge ugovora iz tačke I ovog Zaključka, a kojima bi se između ostalog od strane Razvojne banke Federacije Bosne i Hercegovine utvrdila i namjena korišćenja gore navedenih sredstava, u skladu sa odredbama člana 33. stav 3. Zakona o privatizaciji preduzeća, s tim da bi navedenim novčanim sredstvima sa posebnog fonda Razvojne banke FBiH upravljala Vlada Zeničko-dobojskog kantona, donošenjem svojih pojedinačnih akata.

III

Zaključak stupa na snagu danom donošenja.

PREMIJER

Broj: 02-_____/17.

Datum, 02.11.2017. godine

Z e n i c a

Miralem Galijašević

DOSTAVLJENO:

1x Ministarstvo finansija,

1x Ured premijera,

1x Skupština Kantona,

1x a/a.

OBRAZLOŽENJE

I PRAVNI OSNOV

Pravni osnov se zasniva na članu 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10) i članu 33. stav 2. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 27/01, 27/02, 61/01, 33/02, 28/04, 44/04, 42/06 i 4/09).

II RAZLOZI ZA DONOŠENJE

Odredbama člana 33. stav 2., 3. i 4. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 27/01, 27/02, 61/01, 33/02, 28/04, 44/04, 42/06 i 4/09), propisano je:

„Novčana sredstva ostvarena prodajom preduzeća iz nadležnosti Agencije za privatizaciju i kantonalnih agencija sa izuzetkom dijela sredstava namjenjenih za finansiranje Agencije Federacije i kantonalnih agencija na koja su saglasnost dale nadležne vlade (Vlada Federacije, vlada kantona), prebacuju se na poseban fond Razvojne banke Federacije Bosne i Hercegovine, kojim upravlja Vlada Federacije Bosne i Hercegovine, a za novčana sredstva ostvarena u procesu privatizacije iz nadležnosti kantonalnih agencija sredstvima sa posebnog fonda upravlja vlada kantona u kojem je ostvaren konkretni prihod.

Razvojna banka Federacije Bosne i Hercegovine utvrdit će namjenu korišćenja sredstava iz stava 2. ovog člana, s tim da se 20% ostvarenih sredstava koristi za sanaciju i osiguranje osnovnog kapitala u fondu penzionog i invalidskog osiguranja.

Novčana sredstva iz stava 2. ovog člana, a u visini do 15% , mogu se koristiti za socijalno zbrinjavanje zaposlenika koji su ostali bez radnog angažmana.”

Kako bi se izbjeglo različito tumačenje navedenih odredbi Zakona, Ministarstvo finansija se po ovome pitanju, inicijativama za davanje autentičnog tumačenja, zahtjevima za davanje mišljenja i urgencijama, počevši od 2009. godine, više puta obraćalo Parlamentu Federacije BiH, Federalnoj Agenciji za privatizaciju i resornim federalnim ministarstvima.

Međutim, nikada nije pristiglo jasno mišljenje po pitanju namjene sredstava Zeničko-dobojskog kantona, prikupljenih nakon stupanja na snagu Zakona o izmjenama i dopunama Zakona o privatizaciji preduzeća (“Službene novine FBiH”, broj: 4/09), po osnovu povrata kredita za privredni razvoj i zapošljavanje i stambenih kredita, dodjeljivanih iz ESCROW sredstava ostvarenih od privatizacije prije donošenja navedenih izmjena Zakona o privatizaciji.

Osnovna dilema je **da li Vlada Kantona može samostalno raspolagati navedenim sredstvima ili se ista prebacuju na poseban fond Razvojne banke Federacije BiH** s obzirom da se radi o sredstvima koja se kontinuirano prikupljaju na računu Zeničko-dobojskog kantona, poslije 27.01.2009. godine, po osnovu povrata kredita za privredni razvoj i zapošljavanje i stambenih kredita, dodjeljivanih iz sredstva ostvarenih od privatizacije prije donošenja navedenih izmjena Zakona o privatizaciji, **te s obzirom da navedena sredstva nisu nastala kao rezultat prodaje preduzeća u procesu privatizacije od strane Kantonalne agencije za privatizaciju** nakon stupanja na snagu navedenog Zakona.

Međutim, zbog navedene dileme, značajan iznos sredstava godinama stoji zaleđen na računu, a što predstavlja problem i kod statusa tih sredstava u smislu planiranja prihoda prilikom koncipiranja Budžeta Kantona.

S tim u vezi, potrebno je u saradnji sa razvojnom bankom FBIH zaključivanjem odgovarajućih ugovora konačno razjasniti navedenu dilemu.

Predloženim zaključkom, Vlada Zeničko-dobojskog kantona zadužuje Ministarstvo finansija Zeničko-dobojskog kantona da započne aktivnosti kod Razvojne banke Federacije Bosne i Hercegovine radi zaključivanja Ugovora o namjenskom depozitu i Ugovora o komisionim poslovima, radi prebacivanja na poseban fond Razvojne banke Federacije Bosne i Hercegovine,

gore navedenih sredstava s tim da bi navedenim novčanim sredstvima sa posebnog fonda Razvojne banke FBiH upravljala Vlada Zeničko-dobojskog kantona, donošenjem svojih pojedinačnih akata.

**Bosna i Hercegovina
FEDERACIJA BOSNE I
HERCEGOVINE
ZENIČKO-DOBOJSKI KANTON
MINISTARSTVO FINANSIJA**



**Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
MINISTRY OF FINANCE**

Broj: 07-14-19795-8-1/14
Zenica, 18.10.2017. godine

- **URED PREMIJERA**
- **STRUČNA SLUŽBA VLADE**

PREDMET: Prijedlog Zaključka - dostavlja se

U skladu sa članom 28. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), dostavljamo Vam Prijedlog Zaključka radi razmatranja istog na sljedećoj sjednici Vlade Kantona.

S poštovanjem,

Dostavljeno:

1x Naslovu,

1x a/a.

MINISTAR

Andrej Kajić

